


## 欲按怎做一个受歡迎的人



/ 黃慧雯

各位評判老師，各位同學，逐家好！我是○號，今仔日，我欲講的題目是欲按怎做一个受歡迎的人。

人活佇世間，總是希望家己人緣好、麻吉濟，行到佗位攏受歡迎。毋過，欲按怎做一个受歡迎的人咧？我認爲，愛有「三心恰兩意」。啥物是三心？啥物又閣是兩意咧？三心就是「三種心」。頭一个是「熱心」，身軀邊的人若拄著困難，佇咱能力的範圍內，愛盡量共鬥幫贊。第二，愛有「歡喜心」，俗語講：「好笑神，得人疼！」喙笑目喙、心內充滿快樂的人，行到佗位，攏會受歡迎。第三，愛有「體貼的心」，證嚴法師捌講：「慈悲愛有智慧。」幫助別人，需要熱心，需要歡喜心，更加需要體貼的心，愛斟酌思考：對方真正需要的是啥物？若無，就算做閣較濟嘛無較綫。

繼落來愛有兩意，啥物是兩意呢？就是誠意恰善意。以善爲本，用誠懇的態度恰人鬥陣。我相信會當用「三心兩意」恰人交陪的人，一定是一个受歡迎的人。

阮班的阿秀，就是一个「三心兩意」的人。伊的外表無嬌，功課嘛毋是一粒一，毋過卻是阮班人緣上好的人。伊不管時都笑微微，閣定定共同學、老師鬥做工課——搬物件、摒重砢砢的糞

埽。而且伊真體貼，看人面憂面結，一定會揣機會去共對方安慰，嘛會替對方保守祕密，袂佇人的尻川後講是非，伊用善意恰誠意恰人鬥陣，莫怪會遐爾仔受歡迎！

有一擺，阮班長講伊收去的班費去拿偷去矣！上體育課進前，錢明明就猶閣規包好好，麗佇伊的冊包內底。到底是佗一个死賊仔脯遮爾無天良，連這種錢伊也敢偷？阿明一聽，隨一枝指頭仔伸長長，指向阿春仔：「一定是阿春仔，因爲拄才上體育課的時陣，伊有翻頭轉來教室提物件！」阿春仔一聽，緊張甲哭出聲：「我無！你莫烏白講！」看教室的氣氛愈來愈糲，阿秀是緊跳出來講話。伊講：「無證無據，袂使誣賴阿春，逐家熟似遮久矣，對伊一點仔信任都無，按呢算啥物好同學。」過一暎仔，糊塗的班長才想著：昨早仔老師臨時共班費收去矣！這聲真正冤枉好人囉！毋過阿秀替同學鬥出嚨喉的體貼恰勇氣，予逐家印象足深的。

俗語講：「天公伯仔嘛難得眾人意。」所以欲做一个受歡迎的人，毋是一件簡單的代誌。毋過，若是會當親像阮班的阿秀按呢，用熱心、歡喜心恰體貼的心參人做伙，用誠意恰善意恰人鬥陣。我相信，咱攏會是受歡迎的人。我的演講就講到遮，感謝！